

quo ille per aërem in omnes mundi partes contendit, & mortales frugum seminationem docuit : Sed hic Triptolemus tinctura est Philos. eo modo sub igne nutrita, quæ à serpentibus ducta, hoc est, Mercurio, docuit homines, quomodo semina Philos. in suam terram jacienda sint. Hæc eadem ascribuntur Osiridi, qui ideò terrarum orbem perlustravit, ut alibi demonstravimus, & Dionyso, qui vini usum homines docens peregrinatus est per mundum : Sunt verò hi tres Triptolemus, Osiris & Dionysius unius intentionis & officii, immores una; ut etiam Achilles, qui fortissimus ad bellum Trojanum mittendus erat; Ejus pater Peleus, id est, terra, vel Peleus mons, mater Thetis dea marina seu aquarum; his nascitur Achilles : At in eoru nuptiis pomum aureum Eridos prolatum est, prima causa belli Trojanum, unde ex iis nuptiis natus, non immerito ejus executor extitit : Induratus verò eodem modo Achilles à matre sua dicitur, quo antedictus Triptolemus à Cerere; de quo lib. 6. Hieroglyph. satis diximus, quod hic repetere supervacaneum ducimus. Lapidis itaque nutrimentum ignis est, at non inde, ut quidam perperam existimare posset, in longum, latum & profundum, extenditur, neque in pondere incrementum sumit; quia saltem virtutem, maturationem & colorem ab igne acquirit, omnia reliqua, tanquam commeatus & viatica secum adferens. Quandoenam ex diversis locis ejus partes sunt congestæ, purgatæ & conjunctæ, habet in se omnia, quibus indiget : Unde apud Rosarium Philosophus : *Omnia fert secum, quibus indiget hæc aquafætum.* Nec verò quicquam peregrini ab initio ad finem illi additur, nisi sit homogeneous, nec separatur, nisi heterogeneum : Quilibet autem animadvertere debet, uti dracones Triptolemi currui jungendos bene agnoscat, antequam quid incipiat, qui sunt alati & volatiles; quos si scire desideres, in simo Philosophico inveneris. Sunt enim simus, & generantur ex simo, suntque illud vas, quod Maria dicit, non esse negromanticum, sed regimen ignis tui, sine quo nihil efficies : Veritatem tibi aperi, quam hausi incredibili labore, non absque sumptu multorum annorum, ex veterum monumentis.

Dieser